



**BOSNA I HERCEGOVINA
FEDERACIJA BOSNE I HERCEGOVINE
URED ZA REVIZIJU INSTITUCIJA U FBiH
SARAJEVO**

Ložionička 3, 71000 Sarajevo, Tel: + 387 (0)33 723 550 Fax: 716 400, www. saifbih.ba, e-mail: urrevfed@bih.net.ba, saifbih@saifbih.ba

UR: 010-02 ; 030- 02 /08

**IZVJEŠTAJ
O REVIZIJI FINANSIJSKIH IZVJEŠTAJA
na dan 31.12.2007. godine**

**FEDERALNO MINISTARSTVO ZA PITANJA BORACA I INVALIDA ODBRAMBENO-
OSLOBODILAČKOG RATA
SARAJEVO**

Sarajevo, mart 2008. godine



NEZAVISNO REVIZORSKO MIŠLJENJE

1. Obavili smo reviziju finansijskih izvještaja **Federalnog ministarstva za pitanja boraca i invalida odbrambeno-oslobodilačkog rata** (u daljem tekstu: Ministarstvo) i usklađenosti poslovanja sa zakonima i propisima, za godinu koja je završila na dan 31. decembra 2007. godine.
2. Rukovodstvo Ministarstva je odgovorno za izradu i fer prezentaciju finansijskih izvještaja u skladu sa posebnim propisima o računovodstvu i finansijskom izvještavanju u javnom sektoru. Odgovornost se odnosi na uspostavu sistema internih kontrola i usklađenosti poslovanja Ministarstva sa važećim zakonskim i drugim propisima. Naša odgovornost ja da izrazimo mišljenje na osnovu provedene revizije.
3. Reviziju smo obavili, na osnovu ovlaštenja datih Zakonom o reviziji institucija u FBiH ("Sl. novine FBiH", broj 22/06) i u skladu sa revizijskim standardima Međunarodne organizacije vrhovnih revizorskih institucija-INTOSAI ("Sl. novine FBiH", broj 06/01). Ovi standardi zahtijevaju da reviziju planiramo i izvršimo na način koji nam omogućava da se, u razumnoj mjeri, uvjerimo da finansijski izvještaji ne sadrže materijalno značajne pogrešne iskaze, te da je poslovanje usklađeno sa važećim zakonskim i drugim propisima.
4. Revizija je, na temelju uzoraka, ispitivala značajne transakcije, koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja, ocjenu značajnih procjena izvršenih od strane rukovodstva prilikom sastavljanja finansijskih izvještaja, usaglašenost sa zakonima i propisima i ocjenu sistema internih kontrola. Smatramo da revizija koju smo izvršili pruža razumnu osnovu za izražavanje našeg mišljenja.
5. Po našem mišljenju, finansijski izvještaji istinito i objektivno, po svim bitnim pitanjima, prikazuju stanje imovine i obaveza na dan 31.12.2007. godine, rezultate poslovanja i izvršenja budžeta **Federalnog ministarstva za pitanja boraca i invalida odbrambeno-oslobodilačkog rata**, za godinu koja se završava na taj dan, u skladu sa posebnim propisima o računovodstvu i finansijskom izvještavanju u javnom sektoru, osim za:
 - **ne može se potvrditi da je nadzor nad provođenjem Zakona o pravima boraca i članova njihovih porodica vršen u obimu u kojem se može potvrditi dosljedna provedba odredbi ovog Zakona, niti da je vršen nadzor nad provođenjem Zakona o posebnim pravima dobitnika ratnih priznanja i odlikovanja i članova njihovih porodica (tačka 5.2 Izvještaja);**
 - **nedovoljno uspostavljen sistem internih kontrola u dijelu evidentiranja dva automobila ugovorne vrijednosti od 65.400,00 KM, koja nisu bila na raspolaganju na dan 31.12.2007. godine i ugovorenih usluga u iznosu od 13.620,00 KM, koje se odnosi na 2006. godinu. (tačka 5.6 i 5.3 Izvještaja).**

Zamjenik generalnog revizora

Branko Kolobarić, dipl. oec.

Generalni revizor

Mr. sc. Ibrahim Okanović, dipl. oec.



S A D R Ž A J

1. UVOD.....	1
2. PREDMET, CILJ I OBIM REVIZIJE	1
3. REZIME.....	2
4. OSVRT NA PREPORUKE REVIZIJE ZA 2006. GODINU	3
5. NALAZI I PREPORUKE	4
5.1 Sistem internih kontrola	4
5.2 Obavljanje poslova iz nadležnosti Ministarstva	5
5.3 Budžet za 2007. godinu.....	7
5.4 Tekući transferi	7
5.5 Kapitalni transferi	8
5.6 Nabavke.....	8
5.7 Ostali nalazi	9
6. KOMENTAR	9
PRILOG BR. 1.....	1
Izvršenje budžeta Federalnog ministarstva za pitanja boraca i invalida odbrambeno-oslobodilačkog rata na dan 31.12.2007. godine	1



IZVJEŠTAJ
O OBAVLJENOJ REVIZIJI FINANSIJSKIH IZVJEŠTAJA
FEDERALNOG MINISTARSTVA ZA PITANJA BORACA I INVALIDA ODBRAMBENO-
OSLOBODILAČKOG RATA
za 2007. godinu

1. UVOD

Federalno ministarstvo za pitanja boraca i invalida odbrambeno-oslobodilačkog rata (u daljem tekstu: Ministarstvo) formirano je Zakonom o federalnim ministarstvima i drugim tijelima federalne uprave. Ministarstvo vrši upravne, stručne i druge poslove utvrđene zakonom, koji se odnosi na: utvrđivanje jedinstvene politike i pripremanje sistemskih propisa kojim se regulišu osnovna socijalno-statusna pitanja vojnih invalida, porodica poginulih boraca i nezaposlenih boraca i boraca drugih oslobodilačkih ratova i sudionika oslobodilačkih pokreta i zaštitu ratnih i mirnodopskih vojnih invalida; zaštitu članova porodica poginulih, nestalih i umrlih boraca, kao i umrlih ratnih i umrlih vojnih invalida; upravni i finansijski nadzor izvršavanja zakona i drugih propisa iz oblasti boračko-invalidske zaštite u skladu sa Ustavom i zakonom; kao i ostale poslove definisane članom 13. pomenutog Zakona.

Ministarstvo vrši nadzor nad provođenjem Zakona o pravima boraca i članova njihovih porodica, nadzor nad provođenjem Zakona o posebnim pravima dobitnika ratnih priznanja i odlikovanja i članova njihovih porodica kao i nadzor nad radom Fondacije za pružanje pomoći u rješavanju stambenih pitanja pripadnika boračkih populacija.

Pored navedenog, do donošenja izmjena i dopuna Zakona o federalnim ministarstvima i drugim tijelima federalne uprave, a na osnovu Uredbe o privremenom preuzimanju funkcija prijašnjeg Federalnog ministarstva odbrane iz oblasti vođenja evidencija i upravnog postupka o pripadnosti oružanim snagama i okolnostima stradanja, koju je donijela Vlada Federacije BiH, ovi poslovi su privremeno dati u nadležnost ovog Ministarstva.

Unutrašnja organizacija i način rada Ministarstva utvrđeni su Pravilnikom o unutrašnjoj organizaciji Ministarstva na koji je Vlada FBiH dala saglasnost 19.09.2007. godine. Poslovanje Ministarstva se odvija kroz osnovne organizacijske jedinice, i to: Kabinet ministra, Sektor za upravno rješavanje, Sektor za finansije i informacijske poslove, Sektor za normativno-pravne i opće poslove, Inspektorat i na osnovu navedene Uredbe Vlade FBiH formirane posebne organizacione jedinice „Sektor za pitanja evidencija iz oblasti vojne obaveze“.

Pravilnikom o unutrašnjoj organizaciji Ministarstva za izvršenje poslova i zadataka predviđena su ukupno 294 radna mjesta. Budžetom FBiH za 2007. godinu odobrena su sredstva za 229 zaposlenih, a na dan 31.12.2007. godine u Ministarstvu je bilo 238 zaposlenih i to 37 u Ministarstvu i 201 u Sektoru za pitanja evidencija iz oblasti vojne obaveze.

Sjedište Ministarstva je u Sarajevu, u ulici Alipašina 41.

2. PREDMET, CILJ I OBIM REVIZIJE

Predmet revizije su finansijski izvještaji Ministarstva za 2007. godinu i usklađenost poslovanja sa važećim zakonskim i drugim relevantnim propisima.

Cilj revizije finansijskih izvještaja je da omogući revizoru da izrazi mišljenje o finansijskim izvještajima koji su predmet revizije, tj. da li finansijski izvještaji, u materijalno značajnom smislu, objektivno i istinito prikazuju finansijsko i materijalno stanje Ministarstva na dan 31.12.2007. godine, izvršenje budžeta za godinu koja se završava na taj dan, da li je poslovanje usklađeno sa važećim zakonskim i drugim relevantnim propisima, da li je trošenje javnih sredstava namjensko, te da li su finansijski izvještaji sačinjeni u skladu sa posebnim propisima o računovodstvu i finansijskom izvještavanju u javnom sektoru.



Revizija je obavljena u skladu sa internim planskim dokumentima revizije, u periodu od novembra 2007. godine do marta 2008. godine.

S obzirom da se revizija obavlja ispitivanjem na bazi uzorka i da postoje inherentna ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške mogu ostati neotkrivene.

3. REZIME

Izvršenom revizijom poslovanja Ministarstva za 2007. godinu konstatovali smo određen broj propusta i nepravilnosti, a u cilju otklanjanja istih dali smo slijedeće preporuke:

- *Preporučuje se Ministarstvu vršenje nadzora nad provedbom Zakona o pravima boraca i članova njihovih porodica u obimu i na način koji će osigurati dosljednu primjenu istog;*
- *Potrebno je da Ministarstvo u skladu sa članom 20. Zakona o posebnim pravima dobitnika ratnih priznanja i odlikovanja i članova njihovih porodica vrši nadzor nad provođenjem istog;*
- *U skladu sa Pravilnikom o unutrašnjoj organizaciji potrebno je u potpunosti uspostaviti Inspektorat u cilju uspostave adekvatnog nadzora nad provođenjem zakonskih propisa iz oblasti boračko-invalidske zaštite;*
- *Preporučuje se intenzivniji rad Komisije za nadzor i medicinsko vještačenje obzirom da će nalaz i mišljenja ove Komisije koji su drugačiji u odnosu na nalaz i mišljenje ostalih ljekarskih komisija, poslužiti kao razlog za obnovu postupka;*
- *Potrebno je u saradnji sa nadležnim općinskim organima osigurati tačnu evidenciju korisnika prava na invalidninu, a u slučajevima nezakonitih isplata, utvrditi razloge tih isplata, njihovu visinu kao i način povrata;*
- *Potrebno je da Ministarstvo poduzme aktivnosti u skladu sa svojim nadležnostima u predmetima za koje je Komisija za praćenje realizacije revizije izdanih rješenja o svojstvu, načinu i okolnostima stradavanja pripadnika oružanih snaga izrazila sumnju u vjerodostojnost dokumentacije;*
- *Potrebno je da Ministarstvo poduzme aktivnosti u okviru svoje nadležnosti u cilju usklađivanja rada i akata Fondacije za stambeno zbrinjavanje pripadnika boračke populacije i vrši nadzor nad zakonitošću rada iste u skladu sa Zakonom o udruženjima i fondacijama;*
- *U skladu sa Smjernicama za uspostavu i jačanje interne kontrole kod budžetskih korisnika potrebno je da menadžment poduzme aktivnosti u cilju donošenja i potpune primjene procedura za uspostavu funkcionalnog sistema internih kontrola usklađenih sa zakonskim i podzakonskim propisima, a Pravilnikom o internim kontrolama-internim kontrolnim postupcima jasno i konkretno definisati upravljačke, administrativne, računovodstvene kontrolne postupke, postupke procjene rizika, informisanja, komunikacije i monitoringa;*
- *U skladu sa Pravilnikom o unutrašnjoj organizaciji i Pravilnikom o internim kontrolama-internim kontrolnim postupcima potrebno je da za izdavanje uvjerenja i drugih dokumenata određenim službenicima u Sektoru za pitanja evidencija iz oblasti vojne obaveze, ministar da pismeno ovlaštenje;*
- *Potrebno je da u skladu sa članom 63. Zakona o budžetima u FBiH i Pravilnikom o internoj reviziji budžetskih korisnika Ministarstvo organizuje internu reviziju;*
- *U skladu sa Zakonom o budžetima u FBiH i Zakonom o izvršavanju budžeta u FBiH, Ministarstvo treba sredstva planirati i odobrena sredstva koristiti za namjene koje su određene budžetom i to za namjene i do visine utvrđene u njegovom Posebnom dijelu;*
- *Potrebno je planirati sredstva za namjene koje su u nadležnosti ovog Ministarstva, a za odobrena sredstva kapitalnog transfera sa korisnicima sredstava sklopiti ugovore, kojima bi se definisala prava i obaveze istih;*



- *Odabir najpovoljnijeg ponuđača vršiti u skladu sa Zakonom o javnim nabavkama BiH, a postupak nabavke pokrenuti blagovremeno s ciljem okončanja postupka u toku budžetske godine;*
- *Evidentiranje vozila vršiti na osnovu relevantne dokumentacije, a popis stalnih sredstava na osnovu stvarnog stanja sredstava u skladu sa Uredbom o računovodstvu Budžeta u FBiH;*
- *Potrebno je poduzeti aktivnosti na izmjeni i dopuni Zakona o federalnim ministarstvima i drugim tijelima federalne uprave vezano za poslove iz oblasti vođenja evidencija i upravnog postupka o pripadnosti oružanim snagama i okolnostima stradanja, koje je Ministarstvo preuzelo u skladu sa Uredbom Vlade FBiH;*
- *Potrebno je poduzeti aktivnosti kako bi se u skladu sa Uredbom Vlade FBiH o privremenom preuzimanju funkcija bivšeg Federalnog ministarstva odbrane iz oblasti vođenja evidencije i upravnog postupka o pripadnosti oružanim snagama i okolnostima stradanja, izvršila primopredaja i popis opreme i inventara preuzetih od bivšeg Federalnog ministarstva odbrane.*

4. OSVRT NA PREPORUKE REVIZIJE ZA 2006. GODINU

Revizijom finansijskih izvještaja Ministarstva za 2007. godinu, kao i uvidom u aktivnosti koje su navedene da su poduzete u odgovoru Ministarstva, konstatovali smo da :

Ministarstvo nije postupilo po datim preporukama:

- nije izvršena preregistracija Fondacije za pružanje pomoći u rješavanju stambenih pitanja pripadnika boračko-invalidske zaštite u skladu sa zakonskim propisima,
- Ministarstvo nije u potpunosti trošilo budžetska sredstva za namjene za koje su budžetom odobrena i do visine utvrđene u njegovom Posebnom dijelu, jer su na teret Budžeta za 2007. godinu evidentirane i isplaćene usluge koje se odnose na 2006. godinu, a naknade za vjerske i novogodišnje praznike isplaćene su u većem iznosu nego što su planirane u budžetskom zahtjevu.

Ministarstvo je djelimično postupilo po datim preporukama:

- u cilju uspostave adekvatnog nadzora nad provođenjem Zakona o pravima boraca i članova njihovih porodica od predviđenih četiri inspektora u Inspektoratu Ministarstva, tokom 2007. godine u radni odnos su primljena dva,
- donesen je Godišnji plan o stručnom obrazovanju i usavršavanju državnih službenika i namještenika Ministarstva, a Pravilnik o popisu imovine, potraživanja, zaliha i obaveza nije primijenjen u dijelu stvarnog popisa motornih vozila,
- vršen je nadzor nad radom ljekarskih komisija kako je predviđeno Zakonom o pravima boraca i članova njihovih porodica, intenziviran je rad Komisije za nadzor i medicinsko vještačenje, upravno finansijski nadzor je intenziviran kod ostvarivanja prava na ličnu i porodičnu invalidninu, a praćenje otklanjanja nepravilnosti efikasnije je nakon prijema u radni odnos inspektora,
- prati se postupanje općinskih organa po dostavljenim rješenjima o ukidanju prava na tuđu njegu i pomoć, a upravno-finansijski nadzor je intenziviran kod korisnika prava koji se prvi put uvode u pravo,
- za pripadnike oružanih snaga za koje je Komisija za praćenje realizacije revizije izdatih rješenja o svojstvu, načinu i okolnostima stradanja izrazila sumnju u vjerodostojnost dokumentacije, spisak sa imenima predat je u Inspektorat koji je poduzeo odgovarajuće mjere, ali posao nije okončan do kraja godine,
- uspješno se vrši otkrivanje duplih korisnika i vrši se povrat nezakonito isplaćenih sredstava, ali nije uspostavljena puna saradnja sa nadležnim općinskim organima koja bi osigurala tačnu evidenciju korisnika prava, pogotovo korisnika kojima je prestalo pravo, a saradnja sa poslovnim bankama vezano za neaktivne račune nije pravi način sprečavanja eventualnih zloupotreba,
- I tokom 2007. godine Zakon o javnim nabavkama BiH nije dosljedno primjenjivan,
- Odluka o načinu obrazovanja i visini naknade za rad stručnih komisija i drugih radnih tijela osnovanih od strane Vlade FBiH i rukovodilaca federalnih organa državne službe, nije u potpunosti primjenjivana.



Ministarstvo je u potpunosti postupilo po preporukama vezano za intenzivniji rad stručnog saradnika za internu kontrolu na osnovu plana rada na koji je ministar dao saglasnost. Isplata lične i porodične invalidnine više se ne vrši na osnovu privremenih, već su donesena konačna rješenja.

5. NALAZI I PREPORUKE

5.1 Sistem internih kontrola

Izvršena je procjena funkcionisanja sistema internih kontrola kako bi se uvjerali da li uspostavljene interne kontrole osiguravaju tačnu i potpunu računovodstvenu evidenciju, potpunu primjenu i usklađenost sa zakonima i propisima, pouzdanost finansijskog izvještavanja, ekonomično, efikasno i efektivno trošenje javnog novca.

Pravilnik o unutrašnjoj organizaciji je osnovni i najvažniji pisani akt, koji čini temelj i sastavni dio sistema internih kontrola. Funkcionalna organizaciona struktura povećava efikasnost upotrebe resursa, eliminiše dupliranje obaveza i definiše odgovarajuće linije odgovornosti. Ovim Pravilnikom kao posebna organizaciona jedinica uspostavljen je Inspektorat sa predviđenih pet radnih mjesta za vršenje inspekcijskog nadzora nad radom općinskih i kantonalnih organa nadležnih za boračko-invalidsku zaštitu u procesu provođenja Zakona o pravima boraca i članova njihovih porodica i drugih federalnih propisa iz oblasti boračko-invalidske zaštite. Tokom 2007. godine Inspektorat je popunjen sa dva inspektora, glavnim federalnim inspektorom koji je postavljen 01.10.2007. godine i sa jednim inspektorom za upravni nadzor boračko-invalidske zaštite koji je preuzeo dužnost u martu 2007. godine. U 2007. godini upravno finansijski nadzor iz nadležnosti Inspektorata obavljali su i ostali zaposlenici Ministarstva putem formiranih komisija za vršenje upravno-finansijskog nadzora nad ostvarenjem ovih prava. Iako inspektori nisu radili cijelu godinu i nisu radili u punom sastavu, efekat njihovog rada se već može uočiti. Potrebno je raditi na potpunoj uspostavi ove jedinice u skladu sa Pravilnikom o unutrašnjoj organizaciji i u cilju efikasnijeg nadzora nad provođenjem zakonskih propisa. U okviru Inspektorata predviđeno je i radno mjesto stručnog saradnika za internu kontrolu. Uvidom u izvještaje o radu stručnog saradnika za internu kontrolu, može se potvrditi opravdanost uvođenja poslova interne kontrole obzirom da je aktivnostima iste uočen i već otklonjen značajan broj nepravilnosti.

U skladu sa Pravilnikom o unutrašnjoj organizaciji i Pravilnikom o internim kontrolama-internim kontrolnim postupcima, ministar potpisuje sva akta iz nadležnosti Ministarstva, a može rješenjem ovlastiti sekretara ili drugog službenika da potpisuje pojedine akte. U okviru Sektora za pitanje evidencija iz oblasti vojne obaveze nalazi se 11 Odsjeka, 64 Grupe i 10 Samostalnih izvršilaca za pitanja evidencija iz oblasti vojne obaveze, na cijelom području FBiH, u kojima rukovodioci kroz obavljanje poslova izdaju određena uvjerenja i druga dokumenta, a za koje nemaju posebna ovlaštenja ministra, što nije u skladu sa navedenim pravilnicima.

U skladu sa Smjernicama za uspostavu i jačanje interne kontrole kod budžetskih korisnika nakon donošenja propisanih procedura bilo je potrebno donijeti **Pravilnik o internim kontrolama-internim kontrolnim postupcima** kojim se jasno i konkretno definišu upravljački kontrolni postupci, administrativni kontrolni postupci, računovodstveni interni kontrolni postupci, postupci procjene rizika, postupci informisanja, postupci komunikacije i postupci nadgledanja. Ministarstvo je tokom 2005. godine donijelo ovaj Pravilnik, međutim istim nije regulisana, niti se vrši procjena rizika. Uspostava Sektora za pitanje evidencija iz oblasti vojne obaveze, a da nisu prenesena određena ovlaštenja i da nema kontrole nad istim predstavlja veliki rizik. Takođe, postupak nadgledanja ne može se svesti samo na internog kontrolora, kako je navedeno u ovom Pravilniku. Nije nam prezentiran Pravilnik o materijalnom poslovanju i Pravilnik o naknadama za putne troškove zaposlenih, koje je potrebno odmah donijeti. Donesene procedure nisu dosljedno poštovane kod Pravilnika o knjigovodstvenom poslovanju u dijelu ažurnog i pojedinačnog iskazivanja poslovnih promjena, priznavanja i evidentiranje izdataka za reprezentaciju u skladu sa Pravilnikom o poklonima i reprezentaciji, uz račune koji treba da sadrže detaljne opise usluga, a Pravilnik o popisu imovine, potraživanja, zaliha i obaveza nije primijenjen u dijelu stvarnog-fizičkog popisa, jer su popisana i evidentirana dva automobila koja nisu bila ni isporučena od strane dobavljača.



Nakon uspostavljanja sistema internih kontrola, kojim treba obuhvatiti i Sektor za pitanja evidencija iz oblasti vojne obaveze čiji su zaposlenici dislocirani na cijelom području FBiH, potrebno je raditi na daljem redovnom usklađivanju sa zakonskim propisima, održavanju i kontinuiranom jačanju interne kontrole.

Obzirom na broj zaposlenih, operativni godišnji budžet i vrijednost godišnjih transakcija, nisu nam prezentirani dokazi da je Ministarstvo poduzelo aktivnosti na organizovanju jedinice interne revizije, u skladu sa Zakonom o budžetima u FBiH i Odlukom Vlade FBiH od 18.07.2007. godine o utvrđivanju korisnika Budžeta FBiH za koje će internu reviziju vršiti Federalno ministarstvo finansija.

U skladu sa Pravilnikom o unutrašnjoj organizaciji potrebno je u potpunosti uspostaviti Inspektorat u cilju uspostave adekvatnog nadzora nad provođenjem zakonskih propisa iz oblasti boračko-invalidske zaštite.

U skladu sa Smjernicama za uspostavu i jačanje interne kontrole kod budžetskih korisnika potrebno je da menadžment poduzme aktivnosti u cilju donošenja i potpune primjene procedura za uspostavu funkcionalnog sistema internih kontrola usklađenih sa zakonskim i podzakonskim propisima, a Pravilnikom o internim kontrolama-internim kontrolnim postupcima jasno i konkretno definisati upravljачke, administrativne, računovodstvene kontrolne postupke, postupke procjene rizika, informisanja, komunikacije i monitoringa.

U skladu sa Pravilnikom o unutrašnjoj organizaciji i Pravilnikom o internim kontrolama-internim kontrolnim postupcima potrebno je da za izdavanje uvjerenja i drugih dokumenata određenim službenicima u Sektoru za pitanja evidencija iz oblasti vojne obaveze, ministar da pismeno ovlaštenje.

Potrebno je da Ministarstvo organizuje jedinicu interne revizije u skladu sa članom 63. Zakona o budžetima u FBiH i Odlukom Vlade FBiH o utvrđivanju korisnika budžeta FBiH za koje će internu reviziju vršiti Federalno ministarstvo finansija.

5.2 Obavljanje poslova iz nadležnosti Ministarstva

Dana 01.01.2006. godine počela je primjena Zakona o posebnim pravima dobitnika ratnih priznanja i odlikovanja i članova njihovih porodica. Članom 20. Zakona predviđeno je da ovo Ministarstvo vrši nadzor nad provođenjem Zakona i propisa donesenih na osnovu istog. Ministarstvo rješava o pravu na mjesečni novčani dodatak na osnovu zahtjeva, dokumentacije i obrazloženog prijedloga dostavljenih od strane nadležnih općinskih službi. Odlukom Ministarstva se utvrđuje mjesečni novčani dodatak podnosioca zahtjeva na osnovu čega se donosi rješenje o novčanom iznosu mjesečnog novčanog dodatka. Odluka i rješenje su konačni u upravnom postupku i protiv njih se može pokrenuti upravni spor. Broj korisnika ovih naknada konstantno raste, pa je u januaru 2007. godine bio 5.288, a u decembru iste godine 5.389. Za implementaciju Zakona o posebnim pravima dobitnika ratnih priznanja i odlikovanja i članova njihovih porodica u toku 2007. godine utrošeno je 16.353.735,32 KM. Nije nam prezentirana dokumentacija kojom bi se potvrdilo da je Ministarstvo tokom 2007. godine vršilo nadzor nad provođenjem Zakona o posebnim pravima dobitnika ratnih priznanja i odlikovanja i članova njihovih porodica.

Potrebno je da Ministarstvo u skladu sa članom 20. Zakona o posebnim pravima dobitnika ratnih priznanja i odlikovanja i članova njihovih porodica vrši nadzor nad provođenjem istog.

Članom. 54. Zakona o pravima boraca i članova njihovih porodica (u daljem tekstu: Zakon) utvrđeno je da Ministarstvo vrši nadzor nad provedbom ovoga Zakona i propisa donesenih na osnovu istog, izdaje instrukcije i obavlja direktan upravni nadzor i kontrolu namjenskog trošenja sredstava namijenjenih za ostvarivanje prava prema ovom Zakonu, a koja se osiguravaju u federalnom budžetu. Ministarstvo je tokom 2007. godine nadzor nad provedbom ovoga Zakona vršilo putem formiranih komisija od uposlenika Ministarstva u općinskim i kantonalnim službama nadležnim za boračko invalidsku zaštitu, po pravu nadzora na osnovu dostavljene dokumentacije od istih u Ministarstvu i inspekcijским nadzorom nakon postavljenja inspektora. Uvidom u zapisnike o upravnom i inspekcijском nadzoru i Izvještaj o nadzoru nad radom ljekarskih komisija formiranih prema odredbama ovog Zakona, konstatovano je od strane zaposlenika Ministarstva, da kantonalni organi nisu blagovremeno i adekvatno pružili pomoć i upoznali članove ljekarskih komisija sa propisima, načinom davanja i sadržajem nalaza i mišljenja i da se znatan broj nalaza i mišljenja nije mogao upotrijebiti kao dokaz u postupku obzirom da nisu dati u skladu sa Zakonom i



pravilnicima, iako je u cilju potpune primjene Zakona i pratećih pravilnika ministar izdao Instrukciju o načinu i postupku pribavljanja nalaza i mišljenja nadležnih ljekarskih komisija, Instrukciju kojom je naložio prvostepenim organima da u okviru ostalih dokaza u postupku detaljno sagledaju nalaze i mišljenja posebno one u kojima je došlo do izmjene procenta invaliditeta ili utvrđivanja potrebe za tuđom njegom i pomoći, te da sve nalaze i mišljenja koji nisu dati u skladu sa Zakonom i Pravilnicima vrata Ljekarskoj komisiji na ponovno razmatranje uz pismeni zahtjev i uputu. U svim kantonima je došlo do povećanja procenta invaliditeta sa izraženom disproporcijom u povećanju. Procenat povećanja invaliditeta u odnosu na dati broj nalaza i mišljenja se razlikuje po kantonima od 4,90 % u Posavskom do 79,97 % u Kantonu 10. U periodu 2006.-2007. godina znatno je povećan broj prvi puta podnesenih zahtjeva za priznavanje svojstva ratnog vojnog invalida, a posebno u periodu pred isticanje roka za podnošenje novih zahtjeva propisanog članom 35. Zakona (krajnji rok 20.06.2007. godine). Provedenom analizom od strane Ministarstva, konstatovana je izražena disproporcija u utvrđenim procentima invaliditeta od strane prvostepenih (ukupno dato 19.551 nalaza i mišljenja) i revizionih ljekarskih komisija (ukupno dato 14.635 nalaza i mišljenja). Iz razloga uočenih razlika kod utvrđivanja procenta vojnog invaliditeta, stepena ortopedskog dodatka i dodatka za njegu i pomoć od drugog lica, takve nalaza i mišljenja je trebala preispitati **Ljekarska komisija za nadzor i medicinsko vještačenje**. Ovoj Komisiji dostavljeno je 268 predmeta, od čega je u 179 predmeta dat nalaz i mišljenje. Od tog broja u 84 (46,93%) predmeta potvrđen je nalaz nadležne prvostepene i revizije ljekarske komisije uz dodatno obrazloženje u smislu pravilne primjene propisa pogotovo kod dodatka za njegu i pomoć drugog lica, u 3 predmeta (1,68%) utvrđen je veći obim prava, u 67 predmeta (37,43%) utvrđen je manji obim prava, a što se najčešće odnosi na smanjenje procenta invaliditeta i u 25 predmeta (13,97%) ukinut je u cjelini procenat invaliditeta.

Preporučuje se intenzivniji rad Komisije za nadzor i medicinsko vještačenje obzirom da će nalaz i mišljenja ove Komisije koji su drugačiji u odnosu na nalaz i mišljenje ostalih ljekarskih komisija, poslužiti kao razlog za obnovu postupka.

Prema podacima Ministarstva ukupan broj korisnika prava po Zakonu o pravima boraca i članova njihovih porodica u periodu stupanja na snagu bio je **89.216**, a sa 31.12.2007. godine ukupan broj korisnika iznosio je **102.799**, što je za **13.583** korisnika više. Ovo Ministarstvo je izvršilo upravno-finansijski nadzor u jednom kantonalnom organu, u 12 općinskih službi, te u tri navrata u odjelima za branilačko-invalidsku zaštitu Grada Mostara, u ukupno **330** pregledanih predmeta korisnika prava. U 2007. godini Ministarstvu je dostavljeno 2184 predmeta po pravu nadzora, iz 2006. godine je prenešeno 172, tako da je u radu bilo ukupno 2356 predmeta. Od ovog broja upravni nadzor je izvršen u **928** predmeta dok je 1428 predmeta u radu. Metodom uzorka izvršili smo uvid da li se za ukinuta rješenja i dalje vrši isplata. Uvidom u likvidacione kartone korisnika utvrdili smo da je po ukinutim rješenjima obustavljena isplata. Inspektorat je popunjen sa glavnim inspektorom koji je preuzeo dužnost 01.10.2007. godine i jednim inspektorom za upravni nadzor koji je preuzeo dužnost 19.03.2007. godine. Inspekcijски nadzor je izvršen u 22 općine i 4 kantonalna ministarstva. Predmet pregleda su bili novi zahtjevi podneseni za ličnu i porodičnu invalidninu u predmetima u kojima je pravo priznato prvi put. Inspektorat je uredno informisan od strane općinskih službi u kojima je vršena inspekcija o realizovanim nalogima po inspekcijским zapisnicima. U zadnja tri mjeseca 2007. godine Inspektorat nije vršio kontrolni nadzor po izvršenim inspekcijama, što će biti predmet rada u 2008. godini.

Provedenom revizijom je utvrđeno da je nadzor nad provođenjem Zakona izvršen u relativno malom broju predmeta u odnosu na broj korisnika prava na invalidninu. Broj predmeta koji je bio predmet upravno-finansijskog i inspekcijskog nadzora nije dovoljan da bi mogao potvrditi da Ministarstvo raspolaže sa svim potrebnim informacijama o ostvarenju prava po Zakonu, pogotovu imajući u vidu značajan broj poništenih rješenja i zahtjeva podnesenih po prvi put.

Preporučuje se Ministarstvu vršenje nadzora nad provedbom Zakona o pravima boraca i članova njihovih porodica u obimu i na način koji će osigurati dosljednu primjenu istog.

U skladu sa članom 67. Zakona predsjednik FBiH je na prijedlog Vlade FBiH formirao Komisiju za praćenje realizacije revizije izdanih rješenja o svojstvu, okolnostima i načinu stradanja pripadnika oružanih snaga. Komisija je ukazala na provjeru vjerodostojnosti dokumenata za 117 vojnih obveznika, koje je ministar 05.11.2007. godine, radi dalje provjere, prenio u nadležnost Inspektorata. Od nadležnih organa zatražena je dostava dokumentacije, koja nije dostavljena ni nakon više urgencija Ministarstva. Izvršen je



inspekcijski nadzor u pojedinim Grupama za vojne evidencije, zbog provjere izdatih uvjerenja o pripadnosti i okolnostima stradanja. Izvršenim pregledom utvrđeno je da su 4 predmeta potvrđena kao uredna, za 18 predmeta tražena je dopuna dokumentacije, za 2 predmeta zatražen je povrat neosnovano isplaćenih sredstava i 1 predmet je upućen na Komisiju za vještačenje.

Potrebno je da Ministarstvo poduzme aktivnosti u skladu sa svojim nadležnostima u predmetima za koje je Komisija za praćenje realizacije revizije izdanih rješenja o svojstvu, načinu i okolnostima stradanja pripadnika oružanih snaga izrazila sumnju u vjerodostojnost dokumentacije.

Odlukom Vlade FBiH, na osnovu Zakona o fondacijama i zakladama, osnovana je Fondacija za pružanje pomoći u rješavanju stambenih pitanja pripadnika boračkih populacija (u daljem tekstu: Fondacija), koja je počela sa radom 29.08.2002. godine. Odlukom Vlade FBiH utvrđeno je da nadzor nad radom Fondacije vrši Ministarstvo. Imajući u vidu da je donesen novi Zakon o udruženjima i fondacijama, koji je stupio na snagu dana 28.09.2002. godine, a kojim je stavljen van snage Zakon o fondacijama i zakladama, Ministarstvo je trebalo poduzeti aktivnosti na usklađivanju rada i akata Fondacije sa odredbama novog Zakona. Ministarstvo je u 2007. godini, u skladu sa članom 47. novog Zakona o udruženjima i fondacijama, formiralo Radnu grupu za vršenje upravno-finansijskog nadzora nad radom Fondacije, koja je 04.10.2007. godine sačinila Izvještaj o izvršenom upravno-finansijskom nadzoru. U ovom izvještaju navedeno je da je Fondacija u 2007. godini ukupno podijelila u obliku kreditnih sredstava 1.497.000,00 KM i to 1 milion KM iz budžeta FBiH, a 497.000,00 KM po osnovu povrata glavnice i kamate.

Potrebno je da Ministarstvo u okviru svoje nadležnosti poduzme aktivnosti u cilju usklađivanja rada i akata Fondacije za stambeno zbrinjavanje pripadnika boračke populacije i vrši nadzor nad zakonitošću rada iste u skladu sa Zakonom o udruženjima i fondacijama.

5.3 Budžet za 2007. godinu

Za 2007. godinu, Ministarstvu su odobrena sredstva u ukupnom iznosu od 356.574.098,77 KM, a izvršenje budžeta je iznosilo 350.906.175,40 KM, što predstavlja realizaciju odobrenog budžeta od 98,41 %. Ministarstvo je na vrijeme sačinilo i dostavilo Federalnom ministarstvu finansija Budžetski zahtjev za 2007. godinu, koji je sadržavao potrebe za sredstvima Ministarstva, bez sredstava za zaposlenike bivšeg Federalnog ministarstva odbrane, koja su naknadno utvrđena od strane Federalnog ministarstva finansija. Uočeni su propusti u izradi Budžetskog zahtjeva, a isti se odnose na nerealno planiranje na poziciji naknada uposlenicima i na ugovorenim uslugama. Tokom godine nedostatak planiranih sredstava na nekim pozicijama se osiguravao iz tekuće rezerve.

Uvidom u izvršenje budžeta Ministarstva utvrđeno je da nisu realizovana sredstva na poziciji kapitalnog granta nabavke automobila za invalide u iznosu od 3.000.000,00 KM. Uredbom Vlade FBiH o obezbijedenju sredstava za nabavku putničkih automobila za ratne vojne invalide 100% I grupe, predviđeno je izdvajanje sredstava u visini od 0,15% budžeta FBiH svake godine, počev od 2007. godine, sve dok se ne završi podjela putničkih automobila svim korisnicima boračko-invalidske zaštite iz pomenute kategorije u FBiH. Postupak nabavke automobila nije okončan do kraja godine iz razloga procesuiranja žalbenog postupka kod Ureda za razmatranje žalbi.

Na poziciji ugovorenih usluga evidentiran je račun za usluge ljekarskih komisija u drugostepenom postupku i postupku revizije u iznosu od 13.620,00 KM, a koji se odnosi na period od 09.05.-31.12.2006. godine. Ovaj iznos evidentiran je i isplaćen na teret Budžeta za 2007. godinu, što nije u skladu sa Zakonom o budžetima u FBiH i Zakonom o izvršavanju budžeta u FBiH za 2007. godinu.

U skladu sa Zakonom o budžetima u FBiH i Zakonom o izvršavanju budžeta u FBiH, Ministarstvo treba sredstva planirati i odobrena sredstva koristiti za namjene koje su određene budžetom i to za namjene i do visine utvrđene u njegovom Posebnom dijelu.

5.4 Tekući transferi

Odobreni transfer za invalidnine iznosi 325.237.287,00 KM KM, isplaćeno je 324.816.111,00 KM, a 421.176,00 KM je ostalo neutrošeno. Obračun i isplata invalidnina u 2007. godini vršena je u skladu sa



članom 12. Zakona o pravima branilaca i članova njihovih porodica. Na ovoj poziciji evidentirana je isplata dvanaest invalidnina i razlika u ukupnoj vrijednosti od 3.601.027,34 KM. Obračunata razlika se odnosi na isplatu na osnovu Odluke Vlade FBiH broj 868/2007 od 13.12.2007. godine, kojom se utvrđuje koeficijent za decembar 2007. godine i isplata razlike između isplaćenih i budžetom odobrenih sredstava. Ukupan broj korisnika prava na invalidninu sa 31.12.2006. godine bio je 96.932, a sa 31.12.2007. godine taj broj se povećao na 102.799 korisnika. U 2007. godini došlo je do uvođenja u pravo 5.867 novih korisnika.

Na ovoj poziciji su evidentirani i povrati invalidnina, za koje se utvrdi da su nezakonito isplaćene. Prema ovom Zakonu pod određenim uslovima prestaje pravo na invalidninu. Cjelokupnu evidenciju o korisnicima ovih prava pa i njihovom prestanku, vode nadležni općinski organi koji o svim promjenama na ostvarenju prava trebaju da obavještavaju Ministarstvo. Ministarstvo je sklopilo ugovore sa poslovnim bankama putem kojih se vrši isplata invalidnina da ih izvještavaju o neaktivnim računima radi sprječavanja eventualnih zloupotreba korištenja prava. Ne može se potvrditi da je uspostavljen adekvatan nadzor nad pravovremenim obustavama isplata invalidnina u slučajevima kada to pravo prestaje. Ove navode potvrđuje postojanje duplih korisnika koji se otkrivaju aktivnostima Ministarstva, a ne nižih nivoa vlasti i konstatacija da se izgubljeno pravo na invalidninu smrću korisnika otkriva nekoliko mjeseci, čak i nekoliko godina nakon prestanka prava.

Planirana i realizovana sredstva tekućih transferi preko ovog Ministarstva navedena su u Prilogu br. 1.

Potrebno je u saradnji sa nadležnim općinskim organima osigurati tačnu evidenciju korisnika prava na invalidninu, a u slučajevima nezakonitih isplata, utvrditi razloge tih isplata, njihova visina kao i način povrata.

5.5 Kapitalni transferi

Ukupni kapitalni transferi iskazani u finansijskim izvještajima su 2.000.000,00 KM, a odnose se na transfer za podršku izgradnje započetih, a neizgrađenih objekata boraca i članova njihovih porodica realizovanih u skladu sa Odlukom o odobravanju utroška sredstava utvrđenih u Budžetu FBiH za 2007. godinu, koju je dana 06.09.2007.godine, na prijedlog Ministarstva donijela Vlada FBiH. Ministarstvo je u svom budžetskom zahtjevu za sredstvima za 2007. godinu, planiralo ovaj kapitalni transfer, mada izvršenje istog nije u nadležnosti Ministarstva. Odlukom Vlade FBiH regulisano je da kantonalna ministarstva i uprave za boračka pitanja koji su korisnici uplaćenih sredstava, ovom Ministarstvu dostave cjelovit Izvještaj o utrošku sredstava najkasnije do 31.12.2007. godine, a neutrošena sredstva su obavezni vratiti na račun Budžeta FBiH. Sa kantonalnim ministarstvima i upravama za boračka pitanja nisu potpisani ugovori, koji bi bili obavezujući za korisnike sredstava i kojima bi se definisale prava i obaveze istih.

Zbog neblagovremene dostave Izvještaja sa dokazima o utrošenim sredstvima Ministarstvo je 28.02.2008. godine uputilo Urgencije kantonalnim ministarstvima i upravama za dopunu izvještaja o utrošku sredstava i dokumentacijom kojom se dokazuje utrošak

Potrebno je planirati sredstva za namjene koje su u nadležnosti ovog Ministarstva, a za odobrena sredstva kapitalnog transfera sa korisnicima sredstava sklopiti ugovore, kojima bi se definisala prava i obaveze istih.

5.6 Nabavke

Sredstva za nabavku motornih vozila odobrena su budžetom za 2007. godinu. Ministarstvo je neblagovremeno započelo aktivnosti za nabavku, pa je Odluka o pokretanju postupka javne nabavke donesena je 28.09.2007. godine, a 15.10.2007. godine objavljeno Obavještenje o nabavci dva nova putnička vozila otvorenim postupkom. Iako je odabrani ponuđač u ponudi tražio plaćanje 10 % avansa, a ostatak vrijednosti u roku od 7 dana od dana isporuke, koji je 120 dana, ugovorom je prihvaćena obaveza da se najkasnije do 31.12.2007. godine izvrši plaćanje ukupne ugovorene vrijednosti od **65.400,00 KM**, što nije u skladu sa ponudom. Iako vozila nisu isporučena do kraja 2007. godine, u poslovnim knjigama Ministarstvo je izvršilo evidentiranje istih, kao i iskazivanje na popisnim listama, što nije odgovaralo činjeničnom stanju. Vozila su isporučena po računima-otpremicama tek 14.03.2008. godine.



Postupak izbora najpovoljnijeg ponuđača za isporuku goriva i maziva za službena vozila po ponovnom Obavještenju o nabavci objavljenom u Službenom glasniku BiH od 14.05.2007.godine nije obavljen u skladu sa odredbama Zakona o javnim nabavkama BiH. Uvidom u dokumentaciju odabranog ponuđača Energopetrol d.d. Sarajevo utvrđeno je da isti nije dostavio traženo uvjerenje od Porezne uprave, koje ne može biti starije od 3 mjeseca. Dostavljeno uvjerenje je izdato 14.11.2006. godine, što je znatno starije od traženih 3 mjeseca, zbog čega je ova ponuda trebala biti odbijena. Takođe, ponuda je trebala biti odbijena i zbog neispunjavanja obaveze u vezi s plaćanjem poreza, obzirom da je ponuđač po osnovu javnih prihoda imao neizmirenih obaveza.

Odabir najpovoljnijeg ponuđača vršiti u skladu sa Zakonom o javnim nabavkama BiH, a postupak nabavke pokrenuti blagovremeno s ciljem okončanja postupka u toku budžetske godine.

Evidentiranje vozila vršiti na osnovu relevantne dokumentacije, a popis stalnih sredstava na osnovu stvarnog stanja sredstava u skladu sa Uredbom o računovodstvu Budžeta u FBiH.

5.7 Ostali nalazi

Ministarstvo obavlja poslove u skladu sa članom 13. Zakona o federalnim ministarstvima i drugim tijelima federalne uprave. Međutim, pored navedenog Ministarstvo je 01.07.2007. godine preuzelo zaposlenike i obavlja poslove iz oblasti vođenja evidencija i upravnog postupka o pripadnosti oružanim snagama i okolnostima stradanja, koje je u skladu sa Uredbom Vlade FBiH preuzelo od bivšeg Federalnog ministarstva odbrane. Iz tog razloga potrebno je poduzeti aktivnosti kako bi se izvršile izmjene i dopune Zakona o federalnim ministarstvima i drugim tijelima federalne uprave vezano za nove nadležnosti, obzirom da Uredba ima privremeni karakter.

U skladu sa Uredbom Vlade FBiH koja je donesena 01.02.2007. godine i Zaključkom Vlade o preuzimanju dijela poslova Federalnog ministarstva odbrane od 27.07.2006. godine, ministar je dana 16.11.2007. godine imenovao sedmočlanu komisiju za primopredaju imovine, inventara, dokumentacije i sredstava sa zadatkom da izvrši provjeru fizičkog popisa prostora, opreme i ostale pokretne i nepokretne imovine do 31.12.2007. godine. Iako su zaposlenici preuzeti sa 01.07.2007. godine od kada je nastavljeno i korištenje prostora, opreme i inventara, primopredaja nije izvršena, a posao popisa nije završen u zakonskom roku, niti je izvršen unos u Glavnu knjigu Trezora, iz razloga što sredstava u Federalnom ministarstvu odbrane nisu knjigovodstveno bila iskazana, te je ista potrebno procijenjivati, što iziskuje dodatna sredstva i vrijeme.

Potrebno je poduzeti aktivnosti na izmjeni i dopuni Zakona o federalnim ministarstvima i drugim tijelima federalne uprave vezano za poslove iz oblasti vođenja evidencija i upravnog postupka o pripadnosti oružanim snagama i okolnostima stradanja, koje je Ministarstvo preuzelo u skladu sa Uredbom Vlade FBiH.

Potrebno je poduzeti aktivnosti kako bi se u skladu sa Uredbom Vlade FBiH o privremenom preuzimanju funkcija bivšeg Federalnog ministarstva odbrane iz oblasti vođenja evidencije i upravnog postupka o pripadnosti oružanim snagama i okolnostima stradanja, izvršila primopredaja i popis opreme i inventara preuzetih od bivšeg Federalnog ministarstva odbrane.

6. KOMENTAR

Federalno ministarstvo za pitanja boraca i invalida odbrambeno-oslobodilačkog rata očitivalo se na Nacrt Izvještaja o reviziji finansijskih izvještaja Ministarstva za 2007. godinu dopisom broj: 01-14-1854/08 od 28.04.2008. godine. U očitovanju su data određena pojašnjenja i priložena određena dokumentacija, kao i Operativni Program mjera i zadataka proisteklih iz datih preporuka i Operativni Program mjera realizacije zadataka proisteklih iz preporuka za 2006. godinu. Za realizaciju navedenih operativnih programa određene su osobe odgovorne za izvršenje i rokovi izvršenja zadataka.

Pojašnjenja vezana za nadzor nad provođenjem zakona iz oblasti boračko invalidske zaštite ne možemo prihvatiti iz razloga što Ministarstvo nije u potpunosti postupilo u skladu sa članom 54. Zakona o pravima boraca i članova njihovih porodica i članom 20. Zakona o posebnim pravima dobitnika ratnih priznanja i



odlikovanja i članova njihovih porodica, u dijelu nadzora nad provedbom ovih zakona i propisa donesenih na osnovu istih.

Pojašnjenje da je intenzivniji rad Komisije za nadzor i medicinsko vještačenje vezan za intenziviranje upravno finansijskog nadzora se podrazumijeva. Kako je navedeno u Izvještaju, ovoj Komisiji je dostavljeno 268 predmeta, za 179 predmeta u toku godine dat je nalaz i mišljenje, a za preostale predmete nalaz i mišljenje su dati u 2008. godini.

Direktor Sektora za finansijsku reviziju

institucija u Federaciji BiH:

Munib Ovčina, dipl. oec.

Voda tima:

Kimeta Bihorac, dipl. oec.

Član tima:

Mirko Mišić, dipl. oec.

Prilog br. 1.

Izvršenje budžeta Federalnog ministarstva za pitanja boraca i invalida odbrambeno-oslobodilačkog rata na dan 31.12.2007. godine

u KM

Red. broj	Vrsta rashoda	Prijedlog Budžeta za 2007.god.	Odobreni budžet 2007.god.	Povećanje i smanjenje budžeta (rebalans)	Doznake iz Tekuće rezerve	Ukupno raspoloživa sredstva (4+5+6)	Izvršenje budžeta 2007.god.	Razlika (7-8)	Indeks (8/7)
1	2	3	4	5	6	7	8	9	10
I	Tekući izdaci	12.087.051	10.981.665	- 5.604.351	880.398	6.257.712	4.340.661	1.917.051	69,36
1.	Bruto plate zaposlenih	5.716.570	4.916.250	- 2.898.573	589.428	2.607.105	2.407.369	199.736	92,34
2.	Naknade troškova zaposlenih	2.005.856	1.544.509	- 920.677	140.000	763.832	763.511	321	99,96
3.	Doprinosi poslodavca	633.705	544.986	- 295.101	30.970	280.855	266.792	14.063	94,99
4.	Putni troškovi	586.982	586.982	- 300.000		286.982	40.535	246.447	14,12
5.	Izdaci za energiju	0	245.000	- 80.000		165.000	67.588	97.412	40,96
6.	Izdaci za komunalne usluge	747.068	747.068	- 400.000		347.068	106.088	240.980	30,57
7.	Nabavka materijala	266.810	266.810			266.810	108.490	158.320	40,66
8.	Izdaci za usluge prevoza i goriva	469.585	469.585	- 200.000		269.585	30.814	238.771	11,43
9.	Unajmljivanje imovine i opreme	160.085	160.085	- 70.000		90.085	28.012	62.073	31,09
10.	Izdaci za tekuće održavanje	777.215	777.215	- 400.000		377.215	40.311	336.904	10,69
11.	Osiguranje i bankarske usluge	96.855	96.855	- 40.000		56.855	10.454	46.401	18,39
12.	Ugovorene usluge	626.320	626.320		120.000	746.320	470.697	275.623	63,07
II	Tekući grantovi	345.251.900	321.000.000	23.805.000	288.387	345.093.387	344.375.946	717.441	99,79
	Grantovi pojedincima	343.251.900	318.600.000	23.805.000	82.287	342.487.287	341.769.846	717.441	99,79
1.	Transfer za pomoć u liječenju branitelja	600.000	600.000			600.000	600.000	-	100,00
2.	Transfer za invalidnine	325.651.900	301.000.000	24.155.000	82.287	325.237.287	324.816.111	421.176	99,87
3.	Transfer za implementaciju Zakona o posebnim pravima dobitnika najvećih ratnih priznanja	17.000.000	17.000.000	- 350.000		16.650.000	16.353.735	296.265	98,22
	Grantovi neprofitnim organizacijama	2.000.000	2.400.000		206.100	2.606.100	2.606.100	-	100,00
4.	Transfer za podršku fondaciji za stambeno zbrinjavanje RVI i branitelja	1.000.000	1.000.000			1.000.000	1.000.000	-	100,00
5.	Transfer za temeljna udruženja/udruge proistekle iz posljednjeg odbrambeno oslobodilačkog domovinskog rata	1.000.000	800.000		206.100	1.006.100	1.006.100	-	100,00
6.	Transfer za Savez logoraša BiH Projekt provedbe Odluke MSP	0	600.000			600.000	600.000	-	100,00



III	Kapitalni grantovi	5.000.000	5.000.000			5.000.000	2.000.000	3.000.000	40,00
1.	Transfer za podršku izgradnje započetih a neizgrađenih objekata branilaca i članova njihovih porodica	2.000.000	2.000.000			2.000.000	2.000.000	-	100,00
2.	Kapitalni grantovi automobili za invalide	3.000.000	3.000.000			3.000.000	-	3.000.000	-
IV	Kapitalni izdaci	223.000	223.000			223.000	189.567	33.433	85,01
1.	Nabavka opreme	165.000	165.000			165.000	158.249	6.751	95,91
2.	Nabavka ostalih stalnih sredstava	50.000	50.000			50.000	31.318	18.682	62,63
3.	Rekonstrukcija i investiciono održavanje	8.000	8.000			8.000	-	8.000	-
V	SVEUKUPNO	362.561.951	337.204.665	18.200.649	1.168.785	356.574.099	350.906.175	5.667.924	98,41
	Broj zaposlenih	293	293	- 64		229	238	- 9	103,93